

# S LO


Afl. 1.25

BRIYANDO FUERTE • TRECIENDO CLARIDAD  
DIALUNA 8 APRIL 2024


Di Pueblo

## SOLO SALUD

**RESONANCIA MAGNETICO MAS  
POTENTE NA MUNDO TA MUSTRA  
SU PROME IMAGENAN**



[WWW.SOLODIPUEBLO.COM](http://WWW.SOLODIPUEBLO.COM)



[SOLODIPUEBLO@GMAIL.COM](mailto:SOLODIPUEBLO@GMAIL.COM)

## WARDACOSTA TA CONTROLA BOTO LOCAL Y TA HAYA DROGA ABORDO



## DETENCION A CAY DEN CASO DI ESTAFA DI CONCIERTO DI ROMEO SANTOS: PAREHA DI ORGANISADOR DETENI



## ROYAL ARUBA ALOE CU “RECALL” BOLUNTARIO PA DOS PRODUCTO



## POLIS A DETENE HOMBER CU A DAL UN PERSONA DI EDAD MANDE VLOER TE KAP CABES



## JUNI CROES DI AIRPORT TE DONKEY NOBO DI AVP





# MINISTER ENDY CROES A RICIBI BISHITA DI PRESIDENT NOBO DI AMATEUR BASEBALL BOND ARUBA SR. KEVIN JAMES

**A presenta e plan y vision moderno p’e disciplina di baseball den su totalidad.**

Recientemente, Minister Endy Croes a reuni cu e president nobo di Amateur Baseball Bond Aruba (ABBA) Sr. Kevin James y Sra. Jennifer Martes, kende ta miembro di directiva di ABBA.

Durante e encuentro, Sr. James a presenta e plan y vision moderno p’e disciplina di baseball

den su totalidad. Lo trece un structura nobo pa e ekiponan hubenil y e otro liganan. Un otro cambio ta cu e aña aki e ekiponan den AA lo hunga 30 wega pa aña en bes di 10 wega.

E campeonato di baseball ta inicia den luna di mei proximo. Ademas di esaki, a trata e Kingdom Series 2024 cu ta tuma luga na

Aruba den luna di october. Un siman di baseball unda cu e Seleccion di Hulanda lo hunga tres (3) wega na Aruba prome cu nan sali pa Mexico pa competi den Premier 12 di WBSC.

Pa finalisa, Minister Endy Croes a indica cu e tabata un bon reunion y ta sinti e biento fresco y nobo suplando den ABBA. “Tin



proyectonan grandi na Aruba” Minister Endy Croes a finalisa. caminda y ABBA por conta cu sosten di Gobierno di

# CACHO A BAY ATACA UN DAMA CICLISTA NA PONTON, BISIÑANAN MESTER A BAY YUDE PA NO MORD'E



Diasabra atardi a drenta informe di cu un cacho a ataca un dama ciclista na

Ponton, mesora a dirigi un ppatruya na e sitio. na yegada di e patruya nan a

papia cu e dama ciclista pero ora a bay na e cas for di unda e cacho a sali ningun hende na e cas a sali. Tempo cu polis tabata controla cachonan riba caya cu ta cre tras di e postbode ya caba polisnan di bario a hala atencion di e doñonan di e cachonan ya cu e no tin cura e mester tinnan mara. Polis a keda di pasa desues cerca e doñonan.



## Orario di servicio diabierna 12 di april 2024

En connexcion cu un reunion obligatorio pa su empleadonan, Banco Central di Aruba (BCA) ta informa cu e lo ta sera pa publico dia **12 di april** entre **8:30 di mainta pa 12:30 di merdia**. BCA lo ta habri bek na e horario usual parti atardi entre 1:00 di merdia pa 5:00 di atardi.

Aruba, 8 di april 2024  
Banco Central di Aruba



# WARDACOSTA TA CONTROLA BOTO LOCAL Y TA HAYA DROGA ABORDO

Ayera durante oranan di merdia Wardacosta a bai cu un boto local na e punto di sosten di Wardacosta pa un control abordo.

diferente pakete cu droga aden. En total a haya 237 kilo di droga di cual 57 kilo marihuana y 180 kilo cocaina.

Durante di e control riba e boto dor di e agentenan di Wardacosta y e K-9 unit di Cuerpo Policial di Aruba, a bin encontra

E droga y e dos hombernan, di cual unu local y unu Venezolano a keda entrega na Cuerpo Policial di Aruba.




## DETENCION A CAY DEN CASO DI ESTAFA DI CONCIERTO DI ROMEO SANTOS: PAREHA DI ORGANISADOR DETENI

Polis di Venezuela CICPC a informa cu a detene Eyiber Chacon (40), supuestamente implica den e estafa cu a sosode durante e concierto di e bachatero dominicano Romeo Santos.

Su pareha Eyiber Chacon a keda deteni den sercania di Centro Comercial Concreta, munisipio Baruta (Miranda) pa agentenan di CICPC afilia na Division di Investigacion di Delitonan den Funcion Publico.

E detenido ta pareha di Juan Carlos Araujo, presidente di e compania productor Solid Show, kende actualmente ta sintando un castigo di 30 aña pa trafico internacional di droga.

Chacon tin un orden di aresto emiti pa tribunal 38 di control di Caracas pa estafa continuo cu pertenencianan di balor y di ta asosacia na ilegalidad.



Artista Romeo Santos tabata tin plan pa presenta su mes na La Carlota e diadomingo 10 di december, pero a tarda ocho ora pa subi riba stage. E situacion aki a wordo investiga pa Ministerio Publico y a determina e supuesto responsabilidad den compnia Solid Show, entre otro.

E accionista di e empresa aki ta cera na prison Centro di Formacion Hombre Nuevo de Simom

Bolívar caminda e tabata sali y keda 15 dia riba caya. Pa e motibo aki a manda e director di e prison cas.

Aruba:  
Tabata dia 9 di december cu a sosode mescos na Aruba. Romeo Santos a cuminza canta te cu 5or di marduga, pasobra su avion cu equipo a yega te cu 1or di marduga.

Promotor di Aruba a culpa e mes empresario Venezolano "Chacon" cu

no a cumpli pa paga e avion. Promotor di Aruba pa scapa cara mester a hasi pago den pura pa e suma di avion completo, pa asina e show miyonario na Aruba por a continua.

Pues si no tabata pa promotor di Aruba cu tabata "lomba contra muraya", e avion NUNCA a yega Venezuela, pasobra Chacon no tabatin placa of lo a horta tur e placa di tickets cu el'a bende na Caracas. (ViaNoticiaAlDia)



### Results of the Treasury Bills issuance by the Government of Aruba in the amount of Afl. 32,250,000.00 for the period April 5, 2024 – July 5, 2024

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of March 4, 2024.

The Centrale Bank van Aruba hereby informs that the Treasury Bills issue of April 5, 2024 in the amount of Afl. 32,250,000.00 with a maturity of three (3) months has been fully subscribed. The average yield of this issue is 3.17 percent.

Aruba, April 8, 2024  
Centrale Bank van Aruba



# STEPHEN DAAL A BIRA DIRECTOR DI RODE KRUIS ARUBA

Rodekruis a informa cu nan a firma contract cu Stephen Daal pa bira director.

Den un informe nan a skirbi: "Welcome Mr. Stephen Daal to the Red Cross family! In the past Mr. Daal was the President of our Board and has now returned to the family in the capacity of Director.

He signed his contract this morning with our President Mr. Luis Oduber.

Congratulations and welcome back Stephen. All the best".

Luis Oduber ex trahador di WEB a firma e contract como presidente di e organisacion.



## JUNI CROES DI AIRPORT TE DONKEY NOBO DI AVP

Pa algun dia caba tin un donkey nobo ta manda skop. Un sin fin di storianan infunda y un sin fin di lastramento. Nos no sa si te mes ta skirbi of ta El Faro Blanco ta skirbi pe.

Sinembargo ta notabel cuanto mentira e ta trece dilanti.

Ultimo e ta riba pension, unda segun E, MEP ta contra pa aumenta e pension cu 50%.

Atrobe el'a faya, pasobra Hendrik Tevreden di MEP a bisa cu MEP ta na fabor pa subi pension y a subi'e caba cu 15% y lo sigui encamina e subida pe bay na 50% y mas.

Pues un sin fin di storianan falso, storianan pa instiga, fabrica mentira y plama fake news.

E punto importante ta: e no te mes Juni cu ya traha na airport? Y den pasado? Airport no a taha su trahadornan pa no falta respet na politiconan?

Awor dicon awor si Juni Croes di Airport por lastra hende? Airport, Tripple AAA ta sostene su lastramento? Berdad of no?

Nos lo sigui vigila e desaroyo di serca pa wak con leuw e Donkey nobo aki lo kier yega cu instigacion.

### Juni Croes e donkey nobo di AVP 🤔🤔



## EDIFICIO DI AUTO NO TAWATA NA CANDELA

L.G.Smith Boulevard - Diadomingo den oranan di merdia, den careda di 2'or brandweer ta sali pa huma saliendo di un edificio ariba L.G.Smith Boulevard.

Na yegada e luga a bin resulta di ta All to Car. Polis tambe a yega despues di un rato y a cuminsa tira bista rond. Na prome instante no por a mira huma, pero si un holor di candela.

E momento eynan a cuminsa pensa cu locual ta kimando mas sigur ta paden.

A opta pa bay kibra e candal pa dreña, pero algun minuut mas laat esey no tawata necesario debi cu un persona encarga cu e luga a yega y a usa yabi pa dreña.

Bomberonan a dreña paden pa controla y a bin descubri cu na banda o sea unda tin un garage, dos



homer lo tawata kimando koper den un garetia.

Atencion di ambos a wordo hala. No ta conoci

si e dos personanan aki ta empleado di e mes un negoshi of di un negoshi na banda.

Pues un rato diadomingo merdia, unda cu e adrenalina a subi un tiki pa esnan den e tereno ey.



# ROYAL ARUBA ALOE CU “RECALL” BOLUNTARIO PA DOS PRODUCTO



Recientemente Royal Aruba Aloe a keda cla cu un “recall” voluntario di algun producto, den e mercado Mericano, pa sigura cu a saca un elemento specifico den nan produccion. Aunke cu a cumpli for di momento cu Merca a cambia nan ley na aña 2021, toch a demanda pa anuncia esaki publicamente. E compania netamente Arubiano ta sigura cu a cumpli cu tur rekisito y cu a adapta nan formula pa tur mercado caba, tambe esun di Aruba.

Dos producto specifico  
Royal Aruba Aloe ta distribui su productonan mundialmente. Y rond mundo e reglanan ta diferente y ta cambia regularmente tambe. Asina Royal Aruba Aloe

a bende entre otro su producto Hand Sanitizers y Alcoholada Gel na Merca pa hopi aña caba. Esey ta productonan produci cu un alcohol special cu hende no por bebe, door di mescl’e cu un cantidad limita di otro kimico.

Tres aña pasa a cambia e regla Mayoria productor (y Royal Aruba Aloe tambe) semper a uza Methyl Alcohol pa esey, pero na aña 2021 USA Food and Drug Administration (FDA) a prohibi e uzo di Methyl Alcohol. Royal Aruba Aloe a cambia e formula mesora pa no uza Methyl Alcohol mas.

## “Recall” ta un formalidad

Pero, pasobra Royal Aruba Aloe via di su website na Merca a bende e otro Hand Sanitizers caba, FDA a demanda pa Royal Aruba Aloe haci un “recall” voluntario di tur e Hand Sanitizers bendi entre añanan 2021 – 2023. A ehecuta e “recall” na Merca y a public’e den varios medio di prensa na Merca.

Royal Aruba Aloe ta enfatisa cu e recall no ta pa productonan bendi na Aruba y tambe cu tur Hand Sanitizers y Alcoholado Gels bendi den e tiendanan na Aruba no ta contene Methyl Alcohol tampoco.

Pa mas pregunta semper por email



recall@arubaaloe.com.

Tocante Royal Aruba Aloe  
Royal Aruba Aloe, estableci na 1890, ta e prome compania den e parti Caribense di Reino Hulandes cu a ricibi un predicado Real y ta un di e poco companianan di aloe na mundo cu ta crece, cosecha y procesa su aloe na e mesun luga. Nos aloe, considera e miho di

mundo, ta e base di un coleccion di producto pa cuido di cuero, cabey y contra solo, cu constantemente ta creciendo. Royal Aruba Aloe awor aki tin 16 tienda na Aruba. Por cumpra su productonan riba [www.arubaaloe.com](http://www.arubaaloe.com) (Merca & Canada) y na [www.arubaaloe.nl](http://www.arubaaloe.nl) (Europa).

## CHAUFFEUR NO A REGULA SU VELOCIDAD NI MANTENE DISTANCIA A BAY DAL TRAS DI E AUTO SU DILANTI NA CUMANA

Diabierna mainta a drenta informe di un accidente pariba di e rotonde Cumana, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Suzuki S-presso no a regula su velocidad ni a mantene distancia a bay dal tras di e Mitsubishi Lancer cu tabata su dilanti.

Afortunadamente ningun hende a resulta herida.





# MINISTER DIJKGRAAF RIBA MISHON DI KONOSEMENTU NA ARUBA I KÒRSOU

Robbert Dijkgraaf, minister di Enseñansa, Kultura i Siensia, ta na Aruba i Kòrsou di 8 pa 12 di aprel pa dirigí un mishon di konosementu. Huntu ku institutonan edukativo Dijkgraaf ke fortifiká kolaborashon den edukashon i investigashon entre Hulanda, e paisnan den Reino i Hulanda Karibense. Mas konsiensia di e efektonan di e pasado di sklabilitut tambe ta para sentral.

Dijkgraaf: “Mi ta ansioso pa profundisá i ekspandé e kolaborashon riba e tereno di enseñansa i siensia. Kolaborashon intensivo ku e parti Karibense di Reino, ku nos tin un konekshon históriko profundo kuné, ta esensial. Afortunadamente, riba tereno di enseñansa tin hopi moveshon pa adelanto den nos relashon. Den e último añanan nos a logra pone bon paso, ku inisiativa bunita manera e Beka di Reino. Awor ta importante pa nos kontinuá ku esaki. Ta importante pa tene kuenta tambe ku e pasado di sklabilitut. Esei tin konsekuensia den henter e komunidad. E aña di konmemorashon ta duna mas konsientisashon di esaki.”

Mihó konekshon ku merkado laboral

E mishon di konosementu ta konsistí di direktor di 10 instituto di MBO, skol avansá i universidat i representante di NWO, KNAW i De Jonge Akademie. Huntu ku nan Dijkgraaf ta bishitá Aruba promé. Ei e enfoke ta riba e konekshon di enseñansa riba e merkado laboral: e situashon aktual, pero prinsipalmente tambe kon e oferta di enseñansa por konektá mihó ku e nesesidatnan di e merkado laboral.

Tambe na Aruba ta papia ku ekspertonan tokante di enseñansa permanente (di bida largu) i



enseñansa adishonal (bijscholen). Kua forma di enseñansa por usa pa esaki? Tur e sektornan den e área (MBO, HBO, WBO) ta partisipá.

Finalmente, e tema di mobilitat di estudiante ta bini dilanti: asina estudiante ku a hasi uso di e Beka di Reino nobo den e promé ròndu ta kompartí su eksperensia. Entrante e aña di estudio benidero, alrededor di 120 estudiante pa aña por partisipá na un interkambio òf un stazje dentro di Reino ku e beka aki, destiná pa oumentá e interkambio di estudiante di korto durashon. Un total di 25 estudiante ta hasi uso di e servisio e aña aki.

Efektonan di pasado di sklabilitut  
E pasado di sklabilitut ainda ta laga su marka pa loko ta trata enseñansa i investigashon. Hopi estudiante karibense ta atrasá, algu ku ta sali na kla den e transishon difísil pa studia na Hulanda. Durante un seshon temátiko, dirigí pa e universidatnan karibense, ta pata ketu na e efektonan di e pasado di sklabilitut. E meta ta pa duna mas kompreshon i konosementu di e pasado di sklabilitut.

Deklarashon di intenshon tokante kolaborashon entre institutonan

Na Kòrsou e institutonan di enseñansa di Hulanda i e islanan ta traha riba un deklarashon di intenshon. Konhuntamente nan ta deseá di bai eksplorá e posibilidatnan di kolaborashon dentro di Reino. E eksplorashon aki mester kondusí na mas palabrashon.

No ta trata solamente di enseñansa, na Kòrsou tambe tin investigashon i siensia riba e programa. KNAW, NWO, De Jonge Akademie i investigadónan di e parti Karibense di Reino ta buska input pa un agènda di konosementu, pa asina promové e posibilidatnan di investigashon riba temanan sosial aktual na e islanan Karibense. Ta papia di intensifikason di kolaborashon riba tereno di investigashon ku e parti Karibense di Reino, i eventual finansiamentu di esaki. Durante e seshon lo tene kuenta ku e bareranan ku ‘postdocs’, estudiante di master i ‘promovendi’ ta eksperensia, por ehèmpel aksesu na finansiamentu pa investigashon.

NWO ta traha riba e posibilidat pa proyekto di korto plaso, motivá pa curiosidat. E eksperensianan

di hóben investigadó karibense tambe ta sentral den esaki. Nan ta yuda pensa kon nan por haña mihó sosten. Pa e grupo aki di investigadónan hóben, NWO ta bai desaroyá posibilidatnan di finansiamentu pa investigashon di promoshon dentro di e programa ‘Caribbean Research’.

Oumentá éksito den estudio  
Te konkluí e mishon di konosementu na e konferensia di trabou di SEA (Strategic Education Alliance). E meta di e plataforma aki di e kuater paisnan den Reino ta pa oumentá e éksito den estudio i igualdat di chens di estudiante karibense. Durante e konferensia studentenan karibense lo papia i entre otro lo trata e pregunta kon enseñansa sekundario na e islanan por ta mas konektá ku trayekto di enseñansa ku ta sigui.

E mishon di konosementu pa e área karibense ta e di tres despues di e mishonnan anterior pa Indonesia i Sur Afrika. E bishitanan aki a fortifiká e kolaborashon bilateral ku e paisnan konserní i entre e institutonan di enseñansa i di konosementu.



Parlamentario Hendrik Tevreden (MEP):

# GOBIERNO A AUMENTA PENSIOEN PA NOS GRANDINAN 4 BES Y NA FORMA RESPONSABEL

**\*Pronto lo aumenta pa e di cinco biaha bao di Gabinete Wever-Croes**

Aruba 7 april 2024: E aña cu ta bini ta bolbe aumenta e suma di pensioen pa nos grandinan. Esaki lo bira e di cinco biaha cu ta hisa pensioen bou di Gabinete Wever-Croes. Esaki ta nifica cu pensioen a subi cu 15% caba y ta na caminda pa sigui aument'e.

Lider di Fraccion di MEP den Parlamento, Parlamentario Hendrik Tevreden, a elabora riba e importancia di e aumento aki cual ta un paso importante pa sigura cu nos grandinan por biba dignamente. Apesar cu a bisa esaki na prensa, toch algun ta busca forma pa malinforma. Pero e realidad ta cu Gabinete Wever-Croes y Minister Dangui Oduber ta aumentando pensioen pa beneficia tur pensionado sin e necesidad subi edad di pensioen manera AVP si a haci castigando henter

pueblo, a declara.

"Nos grandinan a contribui hopi na nos comunidad durante nan bida laboral, y ta crucial pa nos gobierno y nos pueblo honra nan esfuersonan brindando nan un pension adecua na nan edad avansa," Tevreden a bisa.

KICO MASTA TUMANDO LUGAR?

Entrante Januari 2024 e prima di AZV a worde reduci pa e pensionadonan cu tin e edad di 65 aña of mas. Te cu aña 2023, e pensionadonan tabata paga 6,5% riba e prome Afl. 30.000 di entrada of salario. Si e entrada of salario aki surpasa Afl. 30.000 pa aña, e pensionado ta paga 10,5% na prima di AZV riba e suma restante.

Fo'i 1 di januari 2024, e porcentahe riba e prome

Afl. 30.000 di entrada lo baha na 5%. Pues un reduccion di 1,5%. Na januari ultimo, conforme decision di Consejo di Minister, Departamento di Impuesto a anuncia cu e porcentahe a worde reduci y a bira 5,5%. Mientrastanto, e decision a wordo adapta y e porcentahe a wordo stipula na 5% entrante 1 di januari 2024.

AUMENTO DI PENSIOEN NA 2025

Awor, e decision pa a aumenta e suma di pensioen un biaha mas pues pa di cinco biaha den 2025, segun Parlamentario Tevreden, ta un indicacion di e compromiso serio di Gabinete Wever Croes pa mehora e calidad di bida di e pensionadonan. "Esaki ta muestra cu nos gobierno ta atento na e necesidadnan di nos grandinan y ta trahando

pa nan bienestar," el a agrega.

Banda di e aumento di e pensioen tin e reduccion di e prima di AZV pa e pensionadonan cu tin 65 aña of mas. E reduccion di e prima ta un medida cu ta beneficia directamente e pensionadonan, ya cu nan lo haya un alivio financiero significativo. "Nos ta contento cu nos gobierno ta tuma accion pa alivia e carga financiero di nos grandinan" y na un manera responsabel y realistico, Parlamentario Tevreden a comenta.

Sinembargo Tevreden a subraya cu mester keda atento na e necesidadnan



cambiante di e comunidad, particularmente di e grupo di pensionadonan. "Nos ta comprometi pa sigui monitorear e situacion di nos grandinan y tuma e accionnan necesario pa garantisar nan bienestar continuo," el a conclui.

## POLIS A DETENE HOMBER CU A DAL UN PERSONA DI EDAD MANDE VLOER TE KAP CABES

Diabierna atardi a drenta informe di un pelea y tin hende herida na Macuarima Supermarket, mesora a dirigi tanto polis como ambulans na e sitio. Na yegada di e patrulla a bin compronde cu un persona a dal un homber di edad mande vloer unda e caida a cause un kap na su cabes cual tabata sangra profusamente. Na yegada di e ambulans



nan a atende e victima y a transporte pa hospital. Polis a detene e agresor

y a bay cun'e na warda di polis.

### SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:

# 5684142 (WhatsApp)

armoniyabellezasalonspa@gmail.com

Shiribana 12 b, Aruba



# Minister Endy Croes: SHETE VELD DI FUTBOL NA ARUBA LO HAYA YERBE ARTIFICIAL NOBO E AÑA AKI

Recientemente, Minister di Enseñansa y Deporte Endy Croes a reuni cu representante di FIFA den e area di Caribe Sr. Jordan Victoire, presidente di Arubaanse Voetbal Bond (AVB) Sr. Randolph Lacle y secretaria general Sra. Dyane Wiersma. Durante e reunion a dialoga tocante un proyecto grandi cu tanto AVB, FIFA y Gobierno di Aruba como stakeholder ta sostene.

Dentro di poco, shete

(7) veld di futbol na Aruba lo haya yerbe artificial. A repasa kico ta e obligacionnan di Gobierno di Aruba pa e proyecto aki. A base di e rekisitonan di FIFA y AVB, a haci un escogencia di e shete (7) veldnan y a reuni cu cada un di nan caba pa cuadra loke nan tin cu haci. Ta planifica pa FIFA bin Aruba den e luna di september di e aña aki pa firma un acuerdo cu e shete (7) clubnan, AVB y Gobierno di Aruba, pa



asina inicia cu e proyecto aki oficialmente. Den e di tres kwartaal di e

aña aki, lo cuminsa mira movecion riba e veldnan aki. Un bon reunion, unda

a intercambia informacion importante pa e mundo di futbol.

## GABINETE WEVER-CROES TA INVITA SCOLNAN PA INSCRIBI PA CICLO 7 DI EDUTECH

### Inscribi bo scol y bira parti di e iniciativa inovativo di EduTech



Ciclo 7 di EduTech ya ta habri presentando un oportunidad increibel pa scolnan uni na e revolucion educativo. E ciclo aki ta un di e ultimo chensnan pa participa ya cu ciclo 8 lo ta e ultimo oportunidad pa aplica. Scolnan por inscribi te dia 18 di april 2024. Gobierno di Aruba ta haci un yamado na

tur scolnan pa tuma e oportunidad aki y inscribi bo scol entregando bo plan di proyecto y bira parti di e iniciativa inovativo di EduTech. Masha danki.

**DISCLAIMER** Dit bericht bevat vertrouwelijke informatie en is slechts bestemd voor de

geadresseerde. Als u niet de genoemde geadresseerde bent, gelieve onmiddellijk de afzender per e-mail hiervan op de hoogte te brengen en aangehechte bestanden onmiddellijk van uw systeem te verwijderen. Het is niet toegestaan om deze informatie te onthullen, te kopiëren, te verspreiden of welke actie dan ook te ondernemen (AB 2004 No. 51). Aan de inhoud van e-mail berichten kunnen geen rechten jegens het Land Aruba of een van haar bestuursorganen worden ontleend.

You're receiving this message because you're a member of the PRENSA



group from Gobierno di Aruba. To take part in this conversation, reply all to this message.

[View group files](#) | [Leave group](#) | [Learn more about Microsoft 365 Groups](#)



## Minister Dangui Oduber

# MINISTER ODUBER TAWATA DI BISHITA NA CONSUL GENERAL DI HULANDA NA MIAMI

MIAMI – Diabierna mainta Minister Oduber conhuntamente cu Aruba Ports Authority (APA) N.V. tabata tin un reunion positivo cu sra. Lisette den Breems cu ta e Consul General di Hulanda na Miami. Durante e reunion aki diferente temanan interesante den cuadro di turismo crucero a ser discuti. E meta di e reunion aki tabata pa sondia e posibilidad pa e consulado asisti Ministerio di Turismo y Aruba Ports Authority (APA) N.V. den e diferente projectonan conforme e vision di Minsiter Dangui Oduber.

Minister Oduber a inicia e reunion elaborando ariba su vision pa cu nos turismo cual ta uno di “low volume high impact”. E meta di e vision aki

ta pa enfoca mas ariba e calidad di turismo en bes di cantidad, haciendo uso di energia alternativo y sostenibel (climate resilience) y asina haci tur locual Aruba tin di ofrece na nos bishitantenan mas sostenibel pa futuro. Pa logra esaki Minister a elabora ariba diferente projectonan y temanan di suma importancia.

E prome tema cu a wordo discuti tawata e intencion di minsiterio di turismo di Aruba conhuntamente cu APA pa inicia conversacionnan cu Curacao y Bonaire pa bin cu un maneho integral pa cu e sector crucero entre e paisnan aki. Otro tema di hopi importancia na cual Minister Oduber a pidi sosten na Consul General di Hulanda ta e

implementacion di e MOU cu ministerio di turismo di Aruba conhuntamente cu APA a firma cu Jacksonville Port Authority (JaxPort) na maart 2023. E meta di e cooperacion aki ta pa crea e oportunidad pa productonan por wordo importa por medio di JaxPort na Aruba. Esaki lo haci cu Aruba lo tin productonan obtenibel na un manera mas continuo y sigur. Por ultimo Minister Oduber a leabora ariba e tema cual ministerio di turismo hunto cu APA lo ta enfocando ariba dje durante e Seatrade Cruise Global Convention 2024 e siman aki, cual ta pa sondia posibilidadnan pa crea un oportunidad di ShorePower pa cruceronan cu ta hancra na Aruba. E meta di e proyecto aki ta pa durante cu cruceronan



ta hancra na Aruba nan tin e oportunidad pa haci uso di e shorepower aki pa “charge” nan machinnan electronico abordo. Esaki lo sosode por medio di uso di energia alternativo sostenibel ofreci na Aruba mes.

Minister Oduber a keda hopi satisfecho cu e reunion cual a bay den un forma ameno y den cual Consul

General a indica di ta bou impresion positivo con Aruba ta desaroyando riba tereno di turismo crucero. Consul General sra. Lisette den Breems a sigura cu su persona lo duna su sosten na e diferente plannan cu a wordo presenta den e reunion pa cu e futuro di turismo crucero na Aruba y e otro islanan cu ta forma parti di Reino Hulandes.

## TURISTA HERIDA, DESPUES DI A DAL CONTRA UN BORCHI DI TRAFICO



Marawiel - Diasabra mianta rond di 10'or polis di Santa Cruz a bay poco prome cu e bocht na Marawiel, pa un accidente di quadracer.

Na yegada, polis a compronde cu tawata trata di turista cu a perde control y bay dal direct contra un tubo di un borch

di trafico.

Ambulance tawata necesario na e sitio pa e atende cu e persona herida. Un segundo Ambulance a yega, pero no tawata necesario mas pa trata e segundo persona debi cu e no tawata erg.

E turista cu si a resulta mas serio herida a wordo transporta pa Hospitaal bou di zwaailicht y sirena.

Polis di trafico tambe tawata necesario na e accidente aki.





# 2 Unidad di bombero a bay pa un candela di mondi basta grandi na Tanki Leendert

Diabierna atardi a drenta informe di cu tin un candela di mondi basta grandi na Tanki Leendert, me-

sora a dirigi 2 unidad na e sitio.  
Na yegada di e unidadnan

nan a cuminsa cu un combate fuerte y directo pa asina paga e candela rapidamente.



# Chauffeur a dal auto di su mesun bisiña na Noord pero e no por a keda pasobra e mester bay su trabao

Diabierna mainta a drenta informe di un accidente na Noord, mesora a dirigi un patruya na e sitio. Na yegada di e patruya a bin compronde cu aki ta trata di un accidente entre bisiña unda e chauffeur di un Ford Escape a bay sali for di cura y a dal e Hyundai Santa Fe di su mesun bisiña. Pero como cu e ta laat pa trabao e no por a keda.



# Dos persona levemente herida den accidente na Kamay

Kamay - Diasabra mainta algo prome cu 10'or polis di Noord y tambe di trafico a bay direccion di Kamay.

Ariba e caminda tegenover di NG Supermarket a sosode un boksmento di cadena. Den e caso aki cuater auto tawata involvi.

Dos persona a resulta levemente herida y nan tawata tin mester cu asistencia medico.

Polisnan di trafico na e




sitio a atende cu e chauffeurnan involvi.

Por mira cu pa motibo di no regula velocidad y tambe no a mantene distancia

e accidente/boksmento a sosode.

Paramediconan a controla y duna asistencia na esnan cu tawata tin mester.





# Polis a hera haya pareha ta haci cosnan indecente riba caminda publico



Diabierna anochi a drenta informe di cu tin un adicto ambulante bezig cu un dama turista den centro di Oranjestad, mesora a dirigi un patruya na e sitio. Na yegada di e patruya nan a yega a bin resulta cu e muhe no ta turista pero un hende biba aki na Aruba y cu ta concientemente haciendo algo y cu no ta di prome biaha cu nan ta haci esey den publico. Polis asina mes a hala nan atencion.

**Clasificados**



[SOLODIPUEBLO@GMAIL.COM](mailto:SOLODIPUEBLO@GMAIL.COM)  
CEL. 585 9500




## Blokki a cay riba pia di homber y tin hopi dolor ademas e no por cana y ta su so na cas na Caya Debchi















Diasabra mainta a drenta informe di cu un bloki a cay riba pia di un hende y awor e no por cana y ta su so na cas, mesora a dirigi un ambulans na e sitio. Na yegada di e ambulans despues di hopi dificultad pa haya e cas na e bario nobo ey y ademas nan no

por a drenta ya cu e porta ta sera y e victima mes como cu e ta su so e mes mester a lanta cu tur dolor yega na e porta y habri'e pa asina ambulans por a yega cerca dje. Unabes pafo ambulans a yud'e subi e stretcher y a transporte pa hospital.





Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 6 April 2024 Anochi

 Sorteo # 8212 <b>7869</b> <b>5437</b> <b>2899</b>	 Sorteo # 2482 0 x Jackpot 0 x Match 4+ 9 x Match 4 136 x Afl. 12,00	<b>02-10-15-18-28</b> Joker 1 Letter G Proximo Jackpot <b>190.000,-</b>
 fp  Sorteo # 7256 <b>4237</b>	 Sorteo # 6436 0 x Jackpot 9 x Match 4 254 x Afl. 8,00	<b>03-14-15-28-30</b> Proximo Jackpot <b>115.000,-</b>
 x5  Sorteo # 1961 <b>1831</b>	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot <b>340.000,-</b>
 Sorteo # 6015 <b>0008</b> Gemini	 <b>Afl. 440.000,-</b>	
 Sorteo # 945 <b>035</b>	 Sorteo #	
 x3		

**MARAVILLAS DE LA FE**



**Aruba: 748-5671**  
**Cartas di tarot**

Bo ta sufrí di un malestar cu bo no por cura?  
Bo ta victima di bruheria?  
Bo plaka no ya jega?  
Bo compra numbernan y bo no ta gana?  
Bo ta bai casino y no puede tur bo plaka?  
Bo tin problemanan di amor?  
Bo pareja ta gañabo?  
Fracaso. Soledad. Malesanan angustia. Mala suerte  
Comunica na 748 5671

**HOOI FRESCO**

A YEGA PA ALF 39,- SO!!!

**TEL: 5941317**

ADDRESS: THE GOLD MINE

RANCH ( MATIVIDIRI 6o )



# SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Shonnan tur, bon dia yen di sabiduria den nos alegria. E curpa ta un crenchi dolor di tanto baila cu e dushi musica di 'We and We Band' na Aruba Nautical Club den fin di siman, pero mas despues nos lo bin cu e bunita relato ey. (Ora Lady Ruth baila ta tur spier ta baila hunto cu ne, uff, ta nos mesun les di zumba priva, hahaha). Awe ta beurt di e Anochi di Dia Mundial di Poesia na Museo Cas Tan Tin. Boso sa cu aki na Aruba nos tin varios museo. Esnan mas conoci por ta "Museo Historico Aruba" na Fort Zoutman, y esun situa den Schelpstraat, den curason di Oranjestad, "Museo Arqueologico Nacional Aruba". Tin un museo den curason di San Nicolas tambe. Awe nos ta combersa un crenchi di "Museo Cas Tan Tin", situa na Pos Abao 19, den curason di Noord. E storia con e bunita 'cas di cunucu' aki a bira un museo, bo por tende di e manager di e museo aki, e dinamico y guapo sr. Richard Tromp

of e bunita presidente di Fundacion Mi Cutisa, sra. Lourdes "Uti" Martis-Bermudez. Lady Ruth hunto cu 10 otro Poeta, tawata entre e invitadonan ariba e bunita Dia Mundial di Poesia (21 di maart 2024) na Museo Cas Tan Tin. Tawata un anochi fabuloso cu hopi, pero hopi bunita inspiracion. Otro aña, 10 di maart 2025, Fundacion Mi Cutisa ta existi pa 20 aña, y e biaha aki a organisa un anochi di Poesia riba e Dia mundial di Poesia na Museo Cas Tan Tin, pafor den nan cura, bau e bunita luna y streanan na shelo cu un brisa fresco di biento. Ora nos a yega, ya Francis Jacobs tawata cla pa transmiti e evento social cultural literario aki, mientras mas y mas hende tawata yegando. Mientras e maestro di ceremonia Ferdinand Franca tambe tawata preparando pa habri e anochi y presenta sra. Marushka Tromp, secretaria general di Unesco-Aruba pa hiba palabra. E Poetanan cu a recita, tawata Emerita

Emerencia, cu a causa furor cu su tambu den su presentacion, Marcia Thiel-Giel cu a debuta na un forma super bunita mes, Angelo Angela, Melendy Neuman, Dientje Hassell-Henriquez, Bertha Wolf, e cantante cu segun nos, tambe a recita pa di prome biaha den publico, e conosido y simpatico Clarette Quandus, cu ya tin 44 aña den e mundo literario cu su bunita poemanan y presentacionnan na Boneiro y Corsou y un di nos dushi grandinan den edad cu su amor y pasion pa skirbi, (keda pendiente pa den futuro sercano publicacion di hopi cuenta y storianan original na nos dushi idioma Papiamentu.) E dama firme y fuerte aki ta manera un museo riba su mes. Nos ta papiando di sra. Estefana "Titi" Tromp, cu tin e cushina na Museo Historico Aruba dedica na su nomber.

Sra. Titi Tromp, tambe a participa na Poeta Patria 2024. Su bunita yui muhe juffr. Miertje a sali na di 5



luga den Poeta Patria na luna di maart e aña aki. Tambe a recita e anochi aki y John Freddy Tobon Montoya cu a sali ganador absoluto den e competencia Poeta Patria 2024, el a recita su poema ganador "Ki bal" cu a impacta tur presente na Cas Tan Tin masha hopi mes. Ki bunita y interesante tawata e presentacion di Philip "Fifi" Rademaler for di nos isla ruman Corsou.

E invitado di honor aki, kende si sa ki ta poesia cu ta papia y biba den pueblo. Nos tur por siña hopi di dje sigur. Pero, atrobe, cada Poeta ta un amor y pasion ariba su mes cu su estilo di sinti, pensa, skirbi, expresa y recita. No tin dos mescos.

E anochi unico y special aki, tawatatin tambe dos hoben, Georvin Angela y Guizza Maria Steenvoorde, kendenan a canta den duo e cantica "Nos curason ta bati", masha bunita mes. Sra. Lydia Emerencia a expresa di su curason kiko y kon e ta wak e "Poesia" su impacto ariba su persona y aki na Aruba. Tur esaki a yena un anochi grandi y bunita den cura Museo Cas Tan Tin. Den nomber di presidente di Mi Cutisa y manager di Museo Cas Tan Tin, ta bay un danki diki gordo grandi na: Fifi Rademaker, Ivan Quandus, Rosabelle Illes, tur persona cu a contribui pa FMC trese Fifi Rademaker Aruba, tur boluntario di FMC, tur e Poetanan y e publico pa nan presen-



cia, tur cu a hasi e anochi fantastico aki posibel, sin lubida e talentoso Francis Jacobs pa tv Canal 22 y Top 95 y e gigante dinamico Jason Inesia pa clickitaruba.com y e tremendo Comision Nacional pa Unesco di Aruba. Lady Ruth a entrega su buki "Alegria di Ruthy Poema 2" na su colega Poeta Fifi Rademaker y na presidente di Mi Cutisa sra. "Uti" na final di e anochi aki, para bao di su paraplu, manera ta su tradicion na tur e anochinan di Poesia organisa pa Basha Foundation y Vibration PR. Nos a cumpra e buki cu poesia di Fifi "Pa steru superficie" firma pa e gran Poeta y escritor aki, cu ta tambe pintor, fotografo, caricaturista, actor y director di teatro y cine cu a publica ademas di e buki aki, dos coleccion di poesia "Bos di burico" y "Di gaña gaña". Shonnan tur, un felis dia colma di salud, alegria y sabiduria. Danki na prensa pa otro bunita cooperacion di curason!!



Minister Endy Croes:

TA ELABORA RIBA E DESAROYONAN DI PROYECTO DI CONSTRUCCION DI JULIANA SCHOOL NOBO NA PARADERA



DOW, DIP, team di arki- tecto y Ministerio di Ense- ñansa ta trahando duro pa logra pone e prome piedra e aña aki.

ORANJESTAD: Reciente- mente, Minister di Ense- ñansa y Deporte Endy

Croes a reuni cu e diferente stakeholder pa dialoga to- cante e desaroyonan di e proyecto di construccion di Juliana School. Manera ta conoci, final di aña pasa a aproba 6.7 miyon florin pa e proyecto aki, ora cu

Aruba tabatin un restante (overschot) den su financia y surplus cumpliendo cu e 1 por ciento di e 70 miyon cu Hulanda. E proyecto tabata prepara caba, pero no tabatin fondo. Pues, aki ta unda a logra aloca

fondo pa construi un edi- ficio completamente nobo pa Juliana School. Manera nos sa, desde aña 2014, gobierno bou di maneho di AVP a cera Juliana school y a manda e team na otro localidad cu no ta adecua pa duna y/of haya les. Pa e motibo aki, a opta pa construi un edificio nobo pa Juliana School. Den cuadro di esaki, tanto DOW, DIP, team di arki- tecto y Ministerio di Ense-

ñansa ta trahando duro pa logra pone e prome piedra e aña aki y asina inicia ofi- cialmente cu e construc- cion di un scol ultramod- erno na Paradera. En bista di esaki, cada dos (2) si- man ta reuni cu ful e team pa evalua e desaroyonan cu tin. Minister Endy Croes a indica cu tur cos ta canando bon y ta trah- ando duro pa pronto por anuncia un “groundbreak- ing” di esaki.

Den Dominicaweg dama ta yama desespera pasobra su pareha ta maltrate



Diabierna anochi a drenta informe di un dama cu a yama tur desespera cu su pareha ta maltratando e na su cas na Domini- caweg y durante e yamada


e homber a ranca e telefon y a sera esaki prome cu a logra haya e number di e cas, mesora a dirigi pa- truyanan na e sitio. Despu- es di basta buscamiento a

logra di topa e dama den e caya kende a declara cu su pareha a caba di bandona e sitio. Polis a papia cu e dama y a mustre e camin- da pa cana.

PUEBLO A HAÑA SU PEN BEK

Pa kualkier informacion solodipueblo@gmail.com

or 585-9500



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com

Resultado : Sorteo 07 April 2024 Merdia




Sorteo # 4231


3279

7079

2104




FP




Sorteo # 4231

0554




X2



Sorteo # 2287


0646



Sorteo # 4231


3884

Tauro




Sorteo # 1105

682



X2



Sorteo #

0 x Jackpot

0 x Match 4+

0 x Match 4


0 x Afl. 12,00

Joker

Letter

Proximo Jackpot

190.000,-



Sorteo # 6437

1 x Jackpot


3 x Match 4

198 x Afl 8,00

09-10-16-23-26

Proximo Jackpot

50.000,-



Sorteo #

0 x Jackpot

0 x match 4

0 x Afl. 500,00


0 x Afl 50,00

0 x Afl.15,00


Mega Ball

Proximo Jackpot


340.000,-



Afl. 440.000,-



Sorteo #





# Chauffeur a core tras di e auto cu a dal e for di rotonde banda di Acero te na C.M.B. Palm Beach unda finalmente a logra par'e



Diabierna anochi a drenta informe di un accidente na e rotonde banda di



Acero pero a logra para e auto te banda di C.M.B. na Palm Beach, mesora a dirigi un patruya na e sitio. Patruya bayendo na e sitio a bin compronde cu chauffeur cu a ocasiona e accidente no kier regresa na e sitio di e susedido. Pero polis a haya tur detaye for di e partido cu a bira victima. Afortunadamente ningun hende a resulta herida.

# Adictonan ambulante tabata cu un garoshi y tabata kier a bay cu un airco cu no ta di nan patras di El Gaucho



Diasabra mainta a drenta informe di cu tin algun adicto ambulante cu lo kier bay cu un airco bieuw for di patras di El Gaucho, mesora a dirigi 2 patruya na e sitio. Na yegada di e patruya a

topa cu e sospechosonan y polis a papia bon cla cu esaki NO ta di nan y cu nan no mag di bay cu e cos ey sin permiso. Polis a bisa nan pa pone bek na su lugar y nan a haci esey tambe.




**BO SANGER TA SALBA BIDA!**  
587 0002  
StichtingBloedbankAruba  
Registra pa bira donante na [www.bloedbankaruba.aw](http://www.bloedbankaruba.aw)

## Sudoku

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4





## RESONANCIA MAGNETICO MAS POTENTE NA MUNDO TA MUESTRA SU PROME IMAGENAN

Den un estreno mundial, e investigadonan di e Comision di Energia Atómico (CEA) di Francia a revela diamars ultimo un serie di imagen "in vivo" di e cerebro humano, adkiri cu e mashin di resonancia magnetico mas poderoso di mundo. Iseult, cu ta conta cu un campo magnetico inigualabel di 11,7 tesla y construi den un esfuerzo di dos decada, a capta e cerebro bibo cu un claridad sin precedente.

Un impresionante resolucion


E imagennan anatomico mas notabel di e cerebro nunca antes obteni, a wordo tuma den apenas cuater minuut. E expertonan a señala cu su resolucion ta impresionante pa un lapso temporal di adkision asina cortico. A logra un resolucion den e plano di 0,2 mm y un 'dikte' di corte di 1 mm, loke ta representa un volumen ekivalente na algun poco mil di neurona.

Den comparacion, e mesun calidad di imagen cu tabata rekeri varios ora di scan di resonancia magnetico, actualmente ta disponiel (di 1,5 of 3 tesla). Esaki no ta realista den practica, ya cu e pashentnan no lo sinti nan mes comodo y cualkier movimiento lo haci cu e imagen ta "blurry."

Su uzo

E ambicion di e científiconan ta pa studia cerebro humano sano y enfermo cu un resolucion sin precedente. Esaki lo permiti descubri detaye nobo relaciona cu anatomia, e conexionnan y e actividad di e cerebro. Logra resolucion asina halto lo facilita e obtencion di informacion na prome instante inalcanzabel riba e mecanismonan cerebral compronde con e cerebro ta codifica nos representacionnan mental y descubri ki firma neuronal ta asocia n'e estado di consciencia, ta señala desde CEA.

"Cu e proyecto Iseult, ta habri dilanti nos un mundo completamente nobo y nos ta entusiasma pa explor'e (...). Nos obhetivo ta investiga e malesanan neurodegenerativo for di aki pa 2026-2030, mescos cu



e otro malesanan cu ta pertenece n'e ambito di psiquiatria, manera schizofrenia y trastorno bipolar. E ciencianan cognitivo tambe lo tin un importancia clave den nos investigacion," Nicolas Boulant, director di ie proyecto Iseult, a comenta.


Compronde alzheimer, parkinsons y trastorno psiquiatrico

E informacion anatomico ultrafini lo yuda establece un miho diagnostico y un miho manejo di malesa neurodegenerativo manera alzheimer of parkinsons. Na di dos luga, e mashin di resonancia magnetico Iseult lo facilita e deteccion di algun especie kimico como señal debil cu ta dificil di captura den campo magnetico mas abao. Particularmente, e investigadonan ta señalacu por ta evallua cu precision e distribucion di lithium den e cerebro, un remedi uza pa trata e trastornonan bipolar y di e manera aki spera di compronde miho su eficacia.

E científiconan tambe ta sostiene cu nan por realiza un seguimiento di molecule envolvi activamente den e metabolismo cerebral, manera glucose y glutamato, pa obtene asina informacion cu ta contribui directamente n'e caracterisacion di hopi malesa cerebral (gliomas, neurodegeneracion, etc.)

Neurocientifico, fisico, matematico y dokter ta traha hunto pa desaroya herment y modelo cu ta yuda compronde miho con e celebronan sano y malo ta funciona, ampliando e horizontenan di exploracion di e cerebro humano," Anne-Isabelle Etievre, director di Investigacion Fundamental di CEA a splica.

## NO DRENTA DEN NINGUN ORGANISACIONNAN SATANICO



No dreña y no bira miembro di nan asambleanan satanico.

No haci huramentonan na satanas. Bijbel ta bisa, Mateo 5: 33 – 37; "Mescos tambe boso a tende cu ta bisa na boso antepasadonan: Lo bo no hura falso, ma lo bo tene bo huramento den Cara di Senjor. Ma AMI ta bisa boso, pa no hura pa ningun motibo, ni pa Cielo, pasobra Cielo ta trono di Dios. No hura ni pa tera, pasobra esaki ta banki di Su pisanan, ni pa Herusalem, pasobra esaki ta e ciudad di e gran Rey. Tampoco pa bo cabes, pasobra bo no por haci ningun draachi di bo cabeï preto ni blanco. Laga bo si ta si y bo no ta no. Tur loke bo pone acerca ta bini di satanas." Esnan den organisacion, nan ta nenga cu Cristo-Hesus ta Senjor y Salbador y nan ta bay na nan mes destino riba nan mes manera. Bijbel ta bisa, Huan 14: 6 ; "Hesus ta contesta: AMI ta caminda, berdad y vida.

Ningun hende no ta yega cerca Tata, sino pa medio di Mi." Esnan den organisacionnan, nan ta ignora e Bijbel di Dios. Bijbel ta bisa, 2Timotheo 3: 16 y 17; "Tur loke ta para scirbi den Escritura, a keda inspira pa Dios y ta util pa instrui, refuta, coregi y pa educa hende pa husticia, pa un homber di Dios sea perfecto, completamente prepara pa tur bon obra." Esnan den organizacion, nan ta adora diferente diosnan pagano. Bijbel ta bisa den Exodo 34: 14; "No adora ningun otro dios, pasobra Senjor ta un Dios celoso y E no ta tolera ningun otro dios. P'esey no cera ningun comb-

enio cu e habitantenan di e paise y." Den e di Prome Mandamento di Dios ta bisa: "Di stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos den mundo." Esnan den organisacion, nan ta nenga di menciona e nomber di Hesus den nan asamblea. Bijbel ta bisa den Phillipensenan 2: 10 y 11; "Pa cu den Nomber di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios Tata; Hesu-Cristo ta Senjor."

Na esnan den organisacion cu ta haci pactonan satanico y nan ta wordo marca riba curpa cu e number 666. Den Bijbel ta bisa den Apocalipsis 14: 9 – 11; "E di tres Angel a sclama na boz halto: Kende cu adora e bestia y su imagen y laga pone e marca riba su frenta of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bay halto den siglo di siglonan.

Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marca di su nomber." Bijbel ta bisa den 1 Corinthionan 10: 21 y 22; "Boso no por bebe for di copa di Senjor y tambe for di copa di demonionan, boso no por participa na mesa di Senjor y tambe na mesa di demonionan. Acaso boso kier provoca Senjor? Bosonan ta mas fuerte cun'E?



# FORTALEZA PA FAMIA

Scirbi pa Pastor Marcel Balootje.

## ORACION TA NECESARIO TUR MOMENTO

Filipensenan 4;6 ta para scirbi: No preocupa pa nada, ma den tur cos,pa medio di oracion y suplica cu gradicimento,laga boso peticionnan ta conoci dilanti di Dios.

E emocion y e parti carnal di hende hopi biaha kier keda lucha den nan mes forsa, y no kier laga tur cos den man di Dios, pasobra semper hende kier hunga heroe, aunke nan sa cu e bataya no ta di nan, pero e bataya ta di Dios.

Si e palabra di Dios ta bisa nos pa no preocupa pa nada, esey ta nifica di berdad no preocupa pa nada, pasobra ningun

hende no por reemplasa di ningun cabey cu cay for di su cabes,y mas cu tur cos ta Dios ta responsabel pa cada rosea cu nos ta hala.

Ora nos considera e situacion di nos bida, nos ta ripara con dependiente di Dios nos ta, nos pensamiento mester cambia y bira mas consiente di e bida cu nos mester biba.

Haci oracion sin stop, sea agradecido den tur cos: pasobra esaki ta e boluntad di Dios pa boso den Cristo Hesus.( 1 Thesalonisensenan 5:17-18).

Awor E tabata conta nan un parabola pa muestra

nan cu nan mester haci oracion tur ora bay y no desmaya.( Lucas 18:1).

E necesidad di oracion den bida di tur hende ta grandi, pasobra esun cu no ta haci oracion, lo bay sinti e necesidad di oracion den su bida , pasobra oracion ta comunicacion cu Dios.

Oracion ta prevencion, si nos siña nos hobennan pa haci oracion, tin hopi cos cu nan ta pasa aden, cu por a wordo preveni cu oracion, pero pa falta di un bida di oracion, cual den ningun caminda ta para scirbi, cu hende ta jong pa haci oracion( 1 Cronicanan 4:9-10),hopi hoben y nan famia ta lamenta awe.

Oracion ta kibra cadena di sclavitud cu e enemigo kier mara hende cune, pesey ta para scirbi: Ta pa libertad Cristo a haci nos liber, pesey keda para firme, y no sea someti atrobe na un yugo di esclavitud.




bra pa medio di oracion den nomber di Cristo Hesus nos ta demostra Fe y Confiansa den Señor ( Isaias 26:3-4).

Ay di esnan cu ta baha bay Egipto pa busca yudansa, cu ta depende riba cabay,y ta confia den garoshi,pasobra nan ta hopi, y den coredo di cabay , pasobra nan ta masha fuerte mes, ma nan no ta mira na esun Santo di Israel, ni nan no ta busca Señor!( Isaias 31:1).

Den Marco 11:25-26 ta para scirbi; Y ki ora cu boso ta para haci oracion, pordona si boso tin algo contra algun hende, pa boso Tata cu ta den cielo, tambe pordona boso transgreshonnan .Ma si boso no pordona, boso Tata cu ta den cielo tampoco lo pordona boso transgreshonnan.

Nos oracion semper mester bay nos dilanti, paso-

### ORACION DI DIA



Un siman bendiciona y cu Dios brasa boso cu Su misericordia


E ora ey Maria a contesta: 'Ata sirbido di Señor; laga sosode cu mi loke bo a bisa.'

Lucas 1-38

Den prome instante Maria a spanta ora Angel Gabriel a aparece cerca dje. Despues cu angel Gabriel a anuncia na Maria e mensahe di Dios, Maria no a duda pa duna su contesta. Ata sirbido di Señor, laga sosode cu mi loke bo a bisa. Ora nos tambe haya mensahenan na momento cu nos ta discerni pa sa kico Dios kier di nos, nos tambe tin di haci manera Maria. Nos tin di entrega nos mes completamente na Dios Su boluntad pa cu nos. Nos no tin di tene miedo pa loke cu por pasa cu nos door di sigui Dios Su mensahe na nos.

Nos tin di corda cu e anunciacion di Hesus Su nacemento ta nifica Dios cu nos,'Emanuel'. Dios lo ta semper hunto cu nos pa medio di Cristo Hesus, den cualke situacion cu nos por ta pasando, laga nos corda riba e mensahe aki y tambe riba Mama Maria cu a sigui loke Dios a pidi'e pa haci. Dios lo keda semper fiel na Su Palabra y aliansa.

Oracion: Dios Tata, pa medio di e anuncio di Cristo Hesus Su nacemento Bo a duna nos e mensahe cu semper lo Bo ta hunto cu nos. Nos ta pidi Bo pa keda semper hunto cu nos pa medio di Spirito Santo. Amen.



### PRONOSTICO DI TEMPO

VALIDO TE DIALUNA 08 DI APRIL 2024,  
18:00 ORA

TEMPO:  
AWE TARDI Y AWE NOCHI: PARCIALMENTE NUBLA  
Y GENERALMENTE SECO  
DEN MARDUGA Y MAYAN: PARCIAMENTE NUBLA CU UN POSIBEL AWACERO PASAJERO

TEMPERATURA MAXIMO 32 GRADO CELSIUS  
TEMPERATURA MINIMO 27 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 33 PA 38 GRADO CELSIUS  
UV INDEX: 12  
POTENCIAL DI AWACERO PA PROXIMO 24 ORA:  
1 MM OF MENOS; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y  
AWACERO (MM) DEN ULTIMO 24 ORA (8'AM PA 8'AM):  
PRONOSTICO DI TEMPO PA PROXIMO 3 DIANAN:  
PARCIALMENTE NUBLA, STOFFERIG CU UN AWACERO PASAJERO. BIENTO LO TA MODERA TE BASTA FUERTE  
FOR DI DIRECCION OOST; FUERTE TE DURO DEN RAFAGA.  
TEMPERATURA (GRADO CELSIUS) MAX / MIN LO TA: 32 / 27

Den momentonan di gran afliccion y tribulacion,rey Ezequias no por a haci nada pa defende su pais, sino solamente oracion y confia Dios.

Den momentonan di gran prueba contra Idolatria , Elias a traha un altar y haci oracion, y Dios a haci tur cos.

Rey David semper tabata haci oracion y consulta Dios.

Daniel no por a haci nada otro, sino oracion ( Daniel capitulo 6).

Pedro y Juan a haci oracion y e paralitico a lanta y cana drenta tempel hunto cu nan( Hechonan 3:6-9).

Pablo y Silas despues cu nan a wordo bati y sera inhustamente a haci oracion y un temblor a sacudi fundeshi di e prison y cadenanan a cay.

Ana mama di Profeta Samuel no por haci nada den su situacion, sino solamente oracion.